

Հաստատված է «Լիմիթյես ասեթ մենեջմենթ»
ՓԲԸ խորհրդի կողմից 2022 թվականի հուլիսի
յոթին
Խորհրդի նախագահ



ԱՐՏԱՔԻՆ ԱՈՒԴԻՏՆ ԻՐԱԿԱՆԱՑՆՈՂ ԱՆՁԻ ԸՆՏՐՈՒԹՅԱՆ ԿԱՐԳԸ

ԲՈՎԱՆԴԱԿՈՒԹՅՈՒՆ

| | |
|--|---|
| ԲԱԺԻՆ 1. ԸՆԴՀԱՆՈՒՐ ԴՐՈՒՅԹՆԵՐ | 3 |
| ԳԼՈՒԽ 1. ԿԱՐԳԱՎՈՐՄԱՆ ԱՌԱՐԿԱՆ ԵՎ ՀԱՍԿԱՑՈՒԹՅՈՒՆՆԵՐԸ | 3 |
| ԲԱԺԻՆ 2. ԱՌԻԴԻՏՈՐԱԿԱՆ ԿԱԶՄԱԿԵՐԴՈՒԹՅԱՆ ԸՆՏՐՈՒԹՅԱՆ ՉԱՓԱՆԻՇՆԵՐԸ ԵՎ ԿԱՐԳԸ | 3 |
| ԳԼՈՒԽ 2. ԱՌԻԴԻՏՈՐԱԿԱՆ ԿԱԶՄԱԿԵՐՈՒԹՅԱՆ ԵՆԴԱՑԱՑՎՈՂ ԴԱՅԱՆՋՆԵՐԸ ԵՎ ՉԱՓԱՆԻՇՆԵՐԸ | 3 |
| ԳԼՈՒԽ 3. ԱՌԻԴԻՏՈՐԱԿԱՆ ԿԱԶՄԱԿԵՐԴՈՒԹՅԱՆ ԸՆՏՐՈՒԹՅԱՆ ԿԱՐԳԸ | 4 |

ԲԱԺԻՆ 1. ԸՆԴՀԱՆՈՒՐ ԴՐՈՒՅԹՆԵՐ

ԳԼՈՒԽ 1. ԿԱՐԳԱՎՈՐՄԱՆ ԱՌԱՐԿԱՆ ԵՎ ՀԱՍԿԱՑՈՒԹՅՈՒՆՆԵՐԸ

1. Սույն կարգը սահմանում է «Լիմիթե սեսթ մենեջմենթ» ՓԲ ընկերության (այսուհետև՝ նաև՝ Ընկերություն) և Ընկերության կողմից կառավարվող հրապարակային ներդրումային ֆոնդերի արտաքին աուդիտն իրականացնող անձի (այսուհետև՝ աուդիտորական կազմակերպություն) ընտրության կարգը և չափանիշները:
2. Սույն կարգում օգտագործված հասկացություններն ունեն հետևյալ նշանակությունները՝
 - 1) **Ֆինանսական կազմակերպություն**՝ բանկ, վարկային կազմակերպություն, ապահովագրական ընկերություն, ներդրումային ընկերություն, ներդրումային ֆոնդ, ներդրումային ֆոնդի կառավարիչ:
 - 2) **աուդիտորական կազմակերպության պատասխանատու աուդիտոր**՝ աուդիտորական կազմակերպության աուդիտորական եզրակացությունը ստորագրող աշխատակից:
 - 3) **աուդիտորական խումբ**՝ աուդիտորական կազմակերպության աշխատակիցների խումբ, որոնք անմիջականորեն ընդգրկված են Ընկերության կամ Ընկերության կողմից կառավարվող ներդրումային ֆոնդի ֆինանսատնտեսական գործունեության աուդիտի իրականացման մեջ:
3. Սույն կարգում օգտագործվող այլ հասկացություններն ունեն «Ներդրումային ֆոնդերի մասին» ՀՀ օրենքով (այսուհետև՝ Օրենք) սահմանված նշանակությունը, եթե այլ բան չի բխում կոնկրետ դրույթի բովանդակությունից:

ԲԱԺԻՆ 2. ԱՌԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ՉԱՓԱՆԻՇՆԵՐԸ ԵՎ ԿԱՐԳԸ

ԳԼՈՒԽ 2. ԱՌԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆԸ ՆԵՐԿԱՅԱՑՎՈՂ ՊԱՀԱՆՋՆԵՐԸ ԵՎ ՉԱՓԱՆԻՇՆԵՐԸ

4. Ընկերությունն ընտրում է այն աուդիտորական կազմակերպությանը, որը բավարարում է հետևյալ չափանիշներին՝
 - 1) Կազմակերպությունն ունի ֆինանսական կազմակերպության աուդիտի իրականացման առնվազն 3 տարվա փորձ: Ընդ որում, այս չափանիշը չի տարածվում միջազգային ճանաչում ունեցող աուդիտորական կազմակերպությունների վրա (<http://www.accountancyage.com/static/top50-this-year>, <http://accountants.entrepreneur.com/>, <http://www.vault.com/wps/portal/usa/rankings/landing?rankingId=177®ionId=0> կայքերից որևէ մեկում տեղադրված ցանկում ներառված լավագույն 10 աուդիտորական ցանցերի լիիրավ անդամ հանդիսացող կազմակերպություններ),
 - 2) աուդիտորական կազմակերպության պատասխանատու աուդիտորն ունի ֆինանսական կազմակերպության աուդիտորի առնվազն 3 տարվա աշխատանքային փորձ և առնվազն 3 ֆինանսական կազմակերպության աուդիտի իրականացման փորձ և միջազգային հաշվապահական և(կամ) աուդիտորական որակավորման (օրինակ՝ ACCA, CPA, CISA) փուլերի առնվազն կեսը ավարտած լինելու փաստը հավաստող փաստաթուղթ (վկայական) կամ Հայաստանի աուդիտորների և

հաշվապահների ասոցիացիայի կամ ՀՀ կառավարության կողմից լիազորված մարմնի կողմից տրված աուդիտորի որակավորում,

- 3) աուդիտորական խմբում ներգրավված աշխատակիցների առնվազն կեսը պետք է ունենա աուդիտորական կազմակերպությունում առնվազն 3 տարվա աշխատանքային փորձ և Հայաստանի աուդիտորների և հաշվապահների ասոցիացիայի կամ ՀՀ կառավարության կողմից լիազորված մարմնի կողմից տրված աուդիտորի որակավորում,
- 4) աուդիտորական կազմակերպությունը Ընկերության հետ կնքվող պայմանագրով համաձայնություն է տալիս ՀՀ կենտրոնական բանկի հրավերով մասնակցելու Ընկերության, աուդիտորական կազմակերպության և ՀՀ կենտրոնական բանկի միջև արտաքին աուդիտի արդյունքների քննարկման համար կազմակերպվող եռակողմ հանդիպմանը:
5. Մինևույն պատասխանատու աուդիտորը չի կարող իրականացնել Ընկերության կամ Ընկերության կողմից կառավարվող ներդրումային ֆոնդի ֆինանսատնտեսական գործունեության աուդիտը, եթե տվյալ ֆինանսական տարվան նախորդող 3 ֆինանսական տարիներին անընդմեջ իրականացրել է Ընկերության կամ Ընկերության կողմից կառավարվող ներդրումային ֆոնդի ֆինանսատնտեսական գործունեության աուդիտը:
6. Մինևույն աուդիտորական կազմակերպությունը չի կարող 3 տարուց ավել անընդմեջ իրականացնել Ընկերության կամ Ընկերության կողմից կառավարվող ներդրումային ֆոնդի ֆինանսատնտեսական գործունեության աուդիտը:
7. Աուդիտորական կազմակերպության ղեկավար չի կարող լինել Ընկերության կառավարման մարմնի անդամը, այլ ղեկավարը և աշխատակիցը, Ընկերության ներքին աուդիտի անդամը և ղեկավարը, ինչպես նաև Ընկերության, դրա ղեկավարների կամ այլ աշխատակիցների հետ փոխկապակցված անձը:
8. Աուդիտորական կազմակերպության հետ կնքվող պայմանագրում, բացի աուդիտորական եզրակացություն կազմելուց, նախատեսվում է նաև աուդիտորական հաշվետվություն (սամակ Ընկերության ղեկավարությանը) կազմելը:
9. Աուդիտորական կազմակերպության հետ կնքվող պայմանագրում պետք է նախատեսվի նաև աուդիտորական կազմակերպության կողմից եզրակացություն ներկայացնելը`
 - 1) Ընկերության` ֆինանսական հաշվետվությունների կազմման համար ներքին հսկողության համակարգի` Օրենքով և ՀՀ կենտրոնական բանկի նորմատիվ իրավական ակտերով սահմանված պահանջներին համապատասխանելու մասին.
 - 2) ՀՀ կենտրոնական բանկ ներկայացվող տարեկան ֆինանսական հաշվետվությունների ամբողջականության ու արժանահավատության մասին:

ԳԼՈՒԽ 3. ԱՌԻԴՏՈՐԱԿԱՆ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ ԿԱՐԳԸ

10. Աուդիտորական կազմակերպությունն ընտրվում է մրցույթային կարգով:
11. Ընկերությունը աուդիտորական կազմակերպության ընտրության մրցույթի անցկացման վերաբերյալ իր ինտերնետային կայքում հրապարակում է հայտարարություն: Հայտարարությունը հրապարակվում է մրցույթի նախատեսվող օրվանից առնվազն 10 օր առաջ և պարունակում է հետևյալ տեղեկությունները`
 - 1) մրցույթին մասնակցելու համար ներկայացվող փաստաթղթերի ցանկը և վերջնաժամկետը,

- 2) աուդիտորական կազմակերպությանը ներկայացվող պահանջները,
 - 3) մրցույթի անցկացման ամսաթիվը,
 - 4) այլ էական պայմաններ:
12. Սահմանված ժամկետում մրցութին մասնակցելու առաջարկություններ չներկայացվելու դեպքում Ընկերության տնօրենի որոշմամբ մրցույթի անցկացման օրը և փաստաթղթերի ներկայացման վերջնաժամկետը կարող է երկարաձգվել ևս 10 օրով:
 13. Մրցույթի արդյունքների ամփոփման նպատակով Ընկերության տնօրենի որոշմամբ ձևավորվում է երեք անձից բաղկացած հանձնաժողով՝ Ընկերության տնօրենի գլխավորությամբ:
 14. Մրցութային առաջարկությունները գնահատելիս հաշվի են առնվում՝
 - 1) աուդիտորական կազմակերպության հեղինակությունը (ճանաչվածությունը),
 - 2) կազմակերպության կողմից սպասարկված ֆինանսական կազմակերպությունների քանակը,
 - 3) աուդիտորական խմբի անդամների փորձը, որակավորումը,
 - 4) աուդիտի ծառայության արժեքը,
 - 5) այլ էական հանգամանքներ:
 15. Մրցույթի արդյունքների վերաբերյալ կազմվում է արձանագրություն, որը ստորագրում են հանձնաժողովի բոլոր անդամները:
 16. Ֆոնդի արտաքին աուդիտն իրականացնող աուդիտորական կազմակերպության ընտրությունը ներկայացվում է Ընկերության խորհրդի (եթե ֆոնդն ունի մասնակիցների ընդհանուր ժողով, ապա ֆոնդի ժողովի) հաստատմանը:
 17. Ընկերության արտաքին աուդիտն իրականացնող կազմակերպության ընտրությունը ներկայացվում է Ընկերության ժողովի հաստատմանը: